

NALOZI ZA ZAŠTITU – ODRASLI INFORMACIJE ZA OBJE STRANE



Zakon o nasilju u porodici države Missouri pruža
zaštitničke olakšice za žrtve nasilja u porodici,
uhođenja i seksualnog zlostavljanja.

Poglavlje 455, Missouri Revidirani Statuti

NALOG ZA ZAŠTITU OD ZLOSTAVLJANJA / UHOĐENJA ODRASLIH

ŠTA JE TO NALOG ZA ZAŠTITU?

Nalog za zaštitu je nalog koji izdaje sud države Missouri u skladu sa Zakonom o nasilju u porodici koji sputava osobu od zlostavljanja, uhođenja, seksualnog zlostavljanja ili uznemiravanja druge osobe. Za razliku od zabrane pristupa, nalog za zaštitu donosi kaznene sankcije za kršenje. Nalog za zaštitu je važeći u svakoj državi i trebao bi biti podržan provedbom zakona u svakoj državi. Ne postoje tipovi naloga za zaštitu: ex parte nalog za zaštitu i potpuni nalog za zaštitu.

Ex parte nalog za zaštitu je izdan od strane suda prije nego što osoba protiv koje je nalog upućen primi obavijest o zahtjevu ili prije prilike da bude saslušana na sudu. To je privremeni nalog. Za više informacija po pitanju ex parte naloga za zaštitu pogledajte na stranici 5.

Potpuni nalog za zaštitu je izdan nakon saslušanja na zapisnik kada je osoba protiv koje je nalog upućen primila obavijest o postupku i kada je imala priliku da bude saslušana. Za više informacija po pitanju potpunog naloga za zaštitu pogledajte na stranici 6.

KO SU STRANE?

Podnosilac

Član porodice ili domaćinstva koji je bio/bila žrtva nasilja u porodici, ili bilo koja osoba koja je bila žrtva uhođenja ili seksualnog zlostavljanja, koja je podnijela potvrđen zahtjev u skladu s odredbama odjeljka 455.020, RSMo.

Tuženik

Tuženik je član porodice ili domaćinstva koji je navodno počinio/la čin nasilja u porodici, ili osoba koja je navodno počinila čin uhođenja ili seksualnog zlostavljanja, protiv koje je podnesen potvrđen zahtjev. To je ta osoba protiv koje je upućen nalog za zaštitu.

KO MOŽE PODNIJETI ZAHTJEV?

Bilo koja osoba koja je bila izložena nasilju u porodici od strane sadašnjeg ili bivšeg člana domaćinstva, ili koja je bila žrtva uhođenja ili seksualnog zlostavljanja, može tražiti olakšice u sklopu Zakona o nasilju u porodici tako što će podnijeti potvrđen zahtjev u kojem se navodi nasilje u porodici, uhođenje ili seksualno zlostavljanje od strane tuženika. Sud će poreći ex parte nalog i odbaciti zahtjev ako podnosilac zahtjeva nije ovlašten da traži olakšice.

GDJE SE PODNOSI ZAHTJEV?

Zahtjev mora biti podnesen u okrugu gdje podnosilac zahtjeva ima prebivalište, gdje se desio navodni incident nasilja u porodici, uhođenja ili seksualnog zlostavljanja ili gdje zahtjev može biti uručen tuženiku.

Obavijest podnosiocu: Tuženik će primiti primjerak ovog zahtjeva uručenjem.

Podnošenje nakon radnog vremena: Zahtjev za nalog za zaštitu ili prijedlog za saslušanje o kršenju naloga za zaštitu se može podnijeti nakon radnog vremena, preko praznika ili vikendom pred okružnim sudijom ili pomoćnikom okružnog sudije u gradu ili okrugu koji ima nadležnost da saslušaju zahtjev. Svi papiri koji su podneseni u vezi sa zahtjevom ili prijedlogom moraju biti potvrđeni od strane sudije ili službenika u roku sljedećeg redovnog radnog dana do okružnog suda koji ima nadležnost da sasluša zahtjev.

GDJE MOGU PRONAĆI ZAHTJEV KOJI TREBAM PODNIJETI U SUDU?

Ured okružnog službenika će dostaviti primjerke obrazaca koji su neophodni za predočavanje zahtjeva sudu. Službenici će pružiti pomoć prilikom popunjavanja ovih obrazaca bez troškova. Lokacija ureda gdje se može podnijeti zahtjev će biti postavljena na vidljivo mjesto u zgradi suda. Naknada za podnošenje, sudski troškovi, ili obaveza se neće procjenjivati podnosiocu zahtjeva u aktivnosti nasilja u porodici/uhođenja/seksualnog zlostavljanja. Advokat nije potreban da se dobije nalog za zaštitu.

Obrasci se takođe mogu pronaći na www.courts.mo.gov tako što ćete odabrati Sudski obrasci > Obrasci o zlostavljanju odraslih.

ŠTA JE NASILJE U PORODICI?

Nasilje u porodici je zlostavljanje ili uhođenje počinjeno od strane člana porodice ili domaćinstva kao što je definisano u nastavku:

Zlostavljanje:

Uključuje ali nije ograničeno na pojavu bilo čega od sljedećih aktivnosti, pokušaji ili prijetnje napadom, upotreba sile, iznuđivanje, uznemiravanje, seksualni napad, kao i nezakonita kazna zatvora protiv osobe koja je možda zaštićena u skladu s poglavljem 455, RSMo.

Napad:

Namjerno ili svjesno stavljanje ili pokušaj stavljanja druge osobe u bojazan od fizičke ozljede.

Upotreba sile:

Namjerno ili svjesno uzrokovanje fizičke ozljede drugoj osobi sa ili bez smrtonosnog oružja.

Iznuđivanje:

Primoravanje osobe silom ili prijetnjom silom da se angažuje u ponašanje od kojeg osoba ima pravo da se suzdrži ili da se suzdrži od ponašanja u kojem osoba ima pravo da se angažuje

Uznemiravanje:

Uključivanje u namjerno ili svjestan tok ponašanje koje uključuje više od jednog incidenta koji alarmiraju ili uzrokuju tjeskobu drugoj osobi i ne služe nikakvoj legitimnoj svrsi. Tok ponašanja mora biti takav da izaziva značajnu emocionalnu tjeskobu podnosiocu zahtjeva. Takvo ponašanje može uključiti praćenje druge osobe na javnom mjestu ili zurenje u prozor ili zadržavanje izvan prebivališta druge osobe.

Seksualni napad:

Uzrokovanje ili pokušaj uzrokovanja da se druga osoba uključi nevoljno u bilo kakav seksualni čin na silu, prijetnjom silom, prinudom ili bez pristanka te osobe.

Nezakonita kazna zatvora:

Držanje, ograničavanje, pritvor ili otmica druge osobe protiv volje te osobe.

Uhođenje:

Kada se bilo koja osoba namjerno uključi u neželjeni čin ponašanja koji uzrokuje uzbunu kod druge osobe ili osobe koja boravi zajedno u istom domaćinstvu s osobom koja traži nalog za zaštitu kada je to opravdano u situaciji te osobe da bude alarmirana datim ponašanjem. Kao što je definisano u statutu:

- a.) **Alarm** znači da se izaziva bojazan od opasnosti zbog fizičke ozljede.
- b.) **Tok ponašanja** znači obrazac ponašanja koji se sastoji od dvije ili više aktivnosti tokom nekog vremenskog perioda, ma kako kratak bio, koji ne služi legitimnoj svrsi. Takvo ponašanje može uključivati, ali nije ograničeno na to, praćenje druge osobe ili neželjena komunikacija ili neželjeni kontakt.

DODATNE DEFINICIJE KAKO JE KORIŠTENO U ZAKONU O NASILJU U PORODICI

Odrasli:

Bilo koja osoba od 17 ili više godina ili na drugi način emancipirana.

Dijete:

Bilo koja osoba mlađa od 17 godina osim ako je na drugi način emancipirana.

Komunikacija:

Uključuje, ali nije ograničeno na to, telefoniranje, govor, gestikuliranje, pisanje, slanje e-mailova, tekstualne poruke, faksiranje, slanje poklona itd.

Emancipiraj/emancipacija

Da oslobodite dijete od kontrole, podrške i odgovornosti roditelja ili staratelja; može uključivati ali nije ograničeno na djetetovo stupanje u brak ili odlazak u vojsku.

Član porodice ili domaćinstva:

Supružnici, bivši supružnici, svaka osoba povezana krvlju ili brakom, osobe koje trenutno borave zajedno ili su boravile zajedno u prošlosti, bilo koja osoba koja je bila ili i dalje jeste u kontinuiranoj društvenoj vezi romantične ili intimne prirode sa žrtvom, kao i svi koji imaju zajedničko dijete bez obzira da li su bili vjenčani ili nisu, ili su boravili zajedno u bilo koje vrijeme.

Intimni partner:

S obzirom na osobu, supružnik date osobe, bivši supružnik date osobe, pojedinac koji je roditelj djeteta date osobe, kao i pojedinac koji živi u zajedničkom domaćinstvu ili je živio u zajedničkom domaćinstvu s datom osobom.

Nalog za zaštitu:

Bilo ex parte nalog za zaštitu ili potpuni nalog za zaštitu.

Na čekanju

Postojeći ili za koji je datum saslušanja dogovoren.

Ne emancipovani:

Dijete pod kontrolom, podrškom i odgovornosti roditelja ili staratelja.

EX PARTE NALOG ZA ZAŠTITU

Zahtjev za nalog za zaštitu mora biti predložen sudiji odmah po podnošenju. Podnositelj zahtjeva se može bojati dodatnih ozljeda te željeti da sudija izda hitan nalog za zaštitu prije datuma saslušanja. Ako sudija smatra da postoji neposredna i sadašnja opasnost od nasilja u porodici, uhođenja ili seksualnog zlostavljanja, izdat će se ex parte nalog za zaštitu. On stupa na snagu kada se zavede i ostat će na snazi dok se važeći postupak i saslušanje po zahtjevu ne mogne održati. Ex parte nalog za zaštitu se ne odobrava uvijek, ali sud može zakazati datum saslušanja. Ako je ex parte nalog odobren, primjerak naloga se daje tijelima nadležnim za provedbu zakona i zavodi se u kompjuterizovani sistem širom države koji data ustanova za provedbu zakona koristi. To je Sistem za jedinstvenu provedbu zakona države Missouri, takođe poznat i kao MULES.

Ustanova za provedbu zakona će uručiti primjerak ex parte naloga i zahtjeva tuženoj strani. Nalog je važeći i provediv prije njegovog uručivanja. Ex parte nalog će uključivati sudski datum za saslušanje o potpunom nalogu za zaštitu.

NAPOMENA: Ex parte nalog za zaštitu će isteći nakon 15 dana ako nije održano saslušanje ili važeće trajanje po zahtjevu.

Olakšice koje su dostupne s ex parte nalogom za zaštitu:

Olakšice se moraju tražiti na zahtjevu, a sudija će razmotriti svaki zahtjev. Ex parte nalog može uključivati sljedeće olakšice:

- Privremeno sprečavanje tuženika od činjenja ili prijetnje da će počiniti nasilje u porodici, zlostavljanje, uhođenje, seksualno zlostavljanje ili ometanje mira podnosioca zahtjeva.
- Privremeno sprečavanje tuženika od ulaska u stambene prostorije podnosioca zahtjeva kada je stambena jedinica:
 - a) u zajedničkom vlasništvu, zakupu ili najmu, ili je zauzeta zajedno od obje strane; ili
 - b) u vlasništvu, zakupu, najmu ili je zauzeta samostalno od strane podnosioca zahtjeva; ili
 - c) u zajedničkom vlasništvu, zakupu ili najmu od strane podnosioca zahtjeva i osobe koja nije tuženik; pod uslovom , međutim, da supružnik neće biti odbijen za olakšice iz ovog odjeljka zbog odsutnosti prava na vlasništvo stambene jedinice; ili
 - d) zauzeta zajednički od strane podnosioca zahtjeva i osobe koja nije tuženik; pod uslovom da tuženik nema pravo na vlasništvo stambene jedinice.
- Privremeno sprečavanje tuženika od komuniciranja s podnosiocem zahtjeva na bilo koji način ili putem bilo kojeg medija.
- Dodjela privremenog starateljstva nad maloljetnom djecom kada je to prikladno.
- Ostali uslovi koje sud smatra razumno potrebnim da bi se osigurala sigurnost podnosioca zahtjeva.

Imenovanje staratelja ad Litem (GAL)

Ako je tuženik mlađi od 17 godina i nije emancipiran, a zaveden je ex parte nalog, okružni sud će prebaciti predmet na sudsko odjeljenje za maloljetnike ili porodicu radi saslušanja po osnovu potpunog naloga za zaštitu. Sud će imenovati staratelja ad litem za tuženika ako tuženika ne zastupa roditelj ili staratelj.

Sud takođe može usmjeriti na državno dječje odjeljenje radi provođenja istrage i pružanja prikladnih usluga.

Da li bih trebao/la ići na saslušanje o nalogu za zaštitu?

Da. Idite na sud na datum saslušanja koji je naveden na ex parte nalogu za zaštitu ili sudskom pozivu. Ako se podnositelj zahtjeva ne pojavi na sudu radi saslušanja, predmet će biti odbačen. Ako je tuženiku izvršeno uručenje na propisan način i isti se na pojavi na sudu radi saslušanja, potpuni nalog za zaštitu će biti izdan nakon što podnositelj zahtjeva predloži njegov/njen dokaz. Sudija može izdati nalog bez saslušanja tuženika.

POTPUNI NALOG ZA ZAŠTITU

Potpuni nalog za zaštitu se može odobriti od strane suda nakon saslušanja po osnovu zahtjeva. Saslušanje po pitanju potpunog naloga za zaštitu mora biti proveden na zapisnik (tako da se može sačiniti transkript). Potpuni nalog za zaštitu će biti važeći najmanje 180 dana, ali ne više od jedne godine. Ako je potpuni nalog odobren, primjerak naloga se daje tijelima nadležnim za provedbu zakona i zavodi se u kompjuterizovani sistem širom države koji data ustanova za provedbu zakona koristi. To je Sistem za jedinstvenu provedbu zakona države Missouri, takođe poznat i kao MULES.

Olakšice koje su dostupne s potpunim nalogom za zaštitu:

Olakšice se moraju tražiti na zahtjevu, a sudija će razmotriti svaki zahtjev.

Obavijest tuženiku: Ako sud utvrdi u korist podnosioca zahtjeva ili tuženik izgubi parnicu (ne pojavi se na sudu radi saslušanja), sud može odobriti bilo koji od sljedećih oblika olakšica:

- Zabraniti tuženiku da čini ili prijeti da će počiniti nasilje u porodici, zlostavljanje, uhođenje, seksualno zlostavljanje ili ometanje mira podnosioca zahtjeva.
- Zabrana tuženiku da ulazi u stambene prostorije podnosioca zahtjeva kada je stambena jedinica:
 - a) u zajedničkom vlasništvu, zakupu ili najmu, ili je zauzeta zajedno od obje strane;
 - b) u vlasništvu, zakupu, najmu ili je zauzeta samostalno od strane podnosioca zahtjeva; ili
 - c) u zajedničkom vlasništvu, zakupu ili najmu od strane podnosioca zahtjeva i osobe koja nije tuženik; pod uslovom, međutim, da supružnik neće biti odbijen za olakšice iz ovog odjeljka zbog odsutnosti prava na vlasništvo stambene jedinice; ili
 - d) zauzeta zajednički od strane podnosioca zahtjeva i osobe koja nije tuženik; pod uslovom da tuženik nema pravo na vlasništvo stambene jedinice.
- Zabrana tuženiku da komunicira s podnosiocem zahtjeva na bilo koji način ili putem bilo kojeg medija.
- Dodjela starateljstva nad maloljetnom djecom, rođenom ili usvojenom od stranaka kada sud ima jurisdikciju nad tim djetetom i nema ranijeg naloga u vezi starateljstva koji je u toku ili je izdat, a djetetov najbolji interes zahtjeva izdavanje takvog naloga. Postoji pretpostavka da je u najboljem interesu djeteta da se ono da pod starateljstvo nenasilnom roditelju.
- Utvrđivanje rasporeda posjećivanja za roditelja koji nije staratelj a koje je u najboljem interesu djeteta. Sud može uskratiti posjećivanje ako smatra da bi posjeta mogla ugroziti fizičko zdravlje djeteta, narušiti njegov ili njen emocionalni razvoj, ili bi na drugi način moglo doći u sukob s najboljim interesima djeteta, ili da se posjećivanje uopće ne dogovori što bi u dovoljnoj mjeri zaštitilo roditelja koji je staratelj od zlostavljanja u budućnosti.
- Dodjela dječje potpore kada ne postoji raniji nalog za potporu u skladu s pravilom Vrhovnog suda 88.01 i poglavljem 452 RSMo.
- Dodjela održavanja prihoda u skladu s poglavljem 452 RSMo, za ne više od 180 dana, za podnosioca zahtjeva kada su podnosilac zahtjeva i tužena strana zakonito u braku.
- Nalog tuženoj strani da plaća ili nastavi s plaćanjem najma ili hipoteke za prebivalište koje koristi podnosilac zahtjeva ako se smatra da je tužena strana dužna podržavati podnosioca zahtjeva ili druge članove domaćinstva.
- Nalog tuženoj strani da plaća najam podnosiocu zahtjeva za prebivalište drugačije od onog koji su strane ranije dijelile ako se smatra da je tužena strana dužna podržavati podnosioca zahtjeva a podnosilac zahtjeva traži alternativni smještaj.
- Nalog da se podnosiocu zahtjeva dodijeli privremeno posjedovanje specificirane lične imovine, kao što je automobil, čekovne knjižice, ključevi i druge lične stvari.
- Zabrana tuženiku da prenosi, opterećuje ili na drugi način raspoláže specificiranom imovinom koja je u zajedničkom vlasništvu ili je strane zakupljuju.

POTPUNI NALOG ZA ZAŠTITU (NAST.)

- Nalog tuženiku da učestvuje u sudski odobrenom programu savjetovanja koji je dizajniran da pomogne zlostavljačima da prestanu s nasilnim ponašanjem ili da učestvuje u programu protiv zloupotrebe opojnih sredstava.
- Nalog tuženiku na plaća razumne naknade za smještaj i druge usluge koje su se pružale ili se pružaju podnosiocu zahtjeva od strane centra za borbu protiv nasilja u porodici.
- Nalog tuženiku da plati sudske troškove.
- Nalog tuženiku da plaća troškove medicinskih tretmana i usluga koje su pružene ili se pružaju podnosiocu zahtjeva kao posljedica povreda nanesenih podnosiocu zahtjeva činom nasilja u porodici koje je počinila tužena strana.
- Od pružaoca bežičnih usluga naručite da odgovornost za naplatu za prava na bežični broj ili brojeve telefona djece u sklopu brige od strane podnosioca zahtjeva prenese na podnosioca zahtjeva, ako podnosilac nije vlasnik računa bežične usluge.
- Nalog tuženiku da plati advokatske naknade za podnosioca.

Pročitajte nalog pažljivo. Ako ne poštivate nalog, možete biti poslani u zatvor, biti novčano kažnjeni ili oboje.

Obnavljanja

Sud može uključiti u nalog odredbu da će potpuni nalog za zaštitu biti automatski obnovljen nakon jedne godine osim u slučaju da tužena strana traži saslušanje najmanje 30 dana prije isteka datuma naloga.

Kada originalni nalog za zaštitu ne uključuje odredbu za automatsko obnavljanje, podnosilac zahtjeva može podnijeti prijedlog sudu za obnavljanje naloga prije isteka datuma originalnog naloga. Sud može obnoviti potpuni nalog za zaštitu dva puta. Svako obnavljanje može trajati šest mjeseci do jedne godine. Za obnavljanje naloga, podnosilac zahtjeva mora podnijeti zahtjev istom uredu suda prije nego što nalog istekne i ići na saslušanje. Za odobravanje naloga, podnosilac zahtjeva ne treba dokazivati da je tužena strana naknadno počinila čin nasilja u porodici, uhođenja ili seksualnog zlostavljanja. Svaki zahtjev bi trebalo sačiniti najmanje dvije sedmice prije isteka datuma koji je naznačen na potpunom nalogu za zaštitu.

Potpuni nalog za zaštitu se može obnoviti dva puta za dodatni period bez prekoračenja jedne godine za svaki. Ako, iz opravdanog razloga, saslušanje nije moguće održati da bi se obnovio potpuni nalog za zaštitu prije nego što istekne, ex parte nalog se može izdati dok se saslušanje o obnavljanju prijedloga mogne održati.

Usklađenost i provedba

Sud može zakazati saslušanje o pregledu usklađenosti kako bi se nadzirala usklađenost tuženika s nalogom za zaštitu.

Uslovi izdatog naloga za zaštitu od zlostavljanja/uhođenja odraslih provedivi su svim pravnim lijekovima koji su na raspolaganju po zakonu za izvršenje presude. Sud može kazniti tuženika koji svojom voljom krši nalog za zaštitu u istoj mjeri koja je predviđena zakonom o nepoštivanju suda.

OBAVIJEST STRANAMA

KRŠENJE NALOGA ZA ZAŠTITU

Kršenje odredbi i uslova ex parte naloga za zaštitu ili potpunog naloga za zaštitu koje uključuje nasilje u porodici, uhođenje, seksualno zlostavljanje, nepridržavanje starateljstva nad djecom, komunikacija koju je inicirala tužena strana, ili ulaz u mjesto boravišta, radno mjesto ili školu tužene strane, ili boravak unutar određene udaljenosti od podnosioca zahtjeva ili djeteta podnosioca zahtjeva će biti prijestup klase A. Ako je tužena strana ranije priznala krivnju i proglašena krivom za kršenje ex parte ili potpunog naloga za zaštitu u posljednjih pet godina od datuma naknadnog kršenja, to kršenje će biti kazneno djelo klase E.

Smatrajte se upozorenim da nalog za zaštitu koji je izdat protiv vas može imati imigracijske posljedice. Kršenje naloga za zaštitu će imati imigracijske posljedice. Ako niste državljanin/državljanica, trebali biste se konsultovati sa zastupnikom za imigracije prije postupka u vašem predmetu.

OGRANIČENJA ZA VATRENO ORUŽJE

Obavijest tuženoj strani po pitanju ograničenja za vatreno oružje:

U skladu sa 18 USC 922

- (g) za svaku osobu će biti protuzakonito—
 - (8) koja podliježe sudskom nalogu koji—
 - (a) je izdat nakon saslušanja na kojem je data osoba primila aktualnu obavijest i na kojem je ta osoba imala priliku da učestvuje;
 - (b) ograničava takvu osobu da uznemirava, uhodi ili prijeti intimnom partneru te osobe ili djetetu intimnog partnera ili osobe, ili uključivanje drugog ponašanja koje bi stavilo intimnog partnera u opravdan strah od tjelesne ozljede partneru ili djetetu; i
 - (c) (i) uključuje saznanja da takva osoba predstavlja uvjerljivu prijetnju za fizičku sigurnost takvog intimnog partnera ili djeteta; ili
 - (ii) svojim uslovima eksplicitno zabranjuje upotrebu, pokušaj upotrebe, ili prijetnju upotrebom fizičke sile protiv takvog intimnog partnera ili djeteta što bi opravdano bilo očekivano da će uzrokovati tjelesnu ozljedu.

da šalje ili transportuje između država ili da trguje s inostranstvom, ili posjeduje ili utječe na trgovanje, bilo kakvim vatrenim oružjem ili municijom; ili da prima bilo kakvo vatreno oružje ili municiju koja je poslana ili transportovana između država ili inostranim trgovanjem.

OBUSTAVA DOZVOLE ZA SKRIVENO NOŠENJE ORUŽJA

Svaka dozvola izdana za skriveno nošenje oružja će biti obustavljena ako nosilac postane nepodoban za dozvolu za skriveno nošenje oružja. Nosilac će postati nepodoban ako je on ili ona imenovan/a kao tužena strana u važećem nalogu za zaštitu koji je još na snazi.

Nakon obavijesti o važećem potpunom nalogu za zaštitu koji je izdan protiv nosioca odlukom da nosilac predstavlja opasnost od nanošenja ozljeda sebi ili drugima, nosilac će predati dozvolu sudu, službeniku ili dužnosniku koji vrši uručenje naloga.

Po prestanku ili isteku potpunog naloga za zaštitu, sud koji drži dozvolu će vratiti takvu dozvolu pojedincu.

Ako ste vi nosilac dozvole za skriveno nošenje oružja, morate predati tu dozvolu sudu, službeniku ili dužnosniku koji vrši uručenje potpunog naloga za zaštitu.

POSTUPAK NEOVISAN OD OSTALIH

Svi postupci u sklopu Zakona o nasilju u porodici su neovisni od bilo kojeg postupka za rastavu ili brak, pravno razdvajanje, izdržavanje razdvojenosti i druge aktivnosti između strana i služe kao dodatak bilo kojim dostupnim građanskim ili kaznenim pravnim lijekovima, osim ako je drugačije specifično navedeno u statutu.

OBAVIJEST OSOBI KOJA JE DUŽNA DA PLAĆA POTPORU ILI IZDRŽAVANJE?

Prema odjeljku 452.340, RSMo na snazi od 1. januara 1994. god., za svaki nalog za dječju potporu ili izdržavanje zaveden ili modifikovan od strane suda u sklopu ovlasti poglavlja 452, RSMo, ili na drugi način, prihod po odbitku pod odjeljkom 452.350, RSMo, će biti iniciran na datum stupanja na snagu naloga osim ako sud smatra da postoji dobar razlog da se na traži hitno zadržavanje prihoda ili da će sporazum u pisanoj formi između strana pružiti alternativni dogovor.

OBAVIJEST O OBNAVLJANJU NALOGA

Potpuni nalog za zaštitu može biti produžen za dodatni vremenski period nakon aplikacije i sudskog saslušanja. Svaki zahtjev bi trebalo sačiniti najmanje dvije sedmice prije isteka datuma koji je naznačen na potpunom nalogu za zaštitu. Sud, nakon što utvrdi da je to u najboljem interesu strana, može uključiti odredbu da se svaki potpuni nalog za jednu godinu automatski obnavlja osim u slučaju da tužena strana traži saslušanje do 30 dana prije isteka naloga. Ako, iz opravdanog razloga, saslušanje nije moguće održati u vezi prijedloga za obnavljanje ili prigovora na automatsko obnavljanje potpunog naloga za zaštitu prije isteka datuma originalno izdatog potpunog naloga za zaštitu, ex parte (privremeni) nalog za zaštitu može biti izdat do održavanja saslušanja o datom prijedlogu.

PUNA VJERA I POVJERENJE (ODJELJAK 455.067, RSMO, I 18 U.S.C. SEC 2265 (2006))

Od 1994. godine, Zakon nasilja nad ženama u punoj vjeri i povjerenju (18 U.S.C. Sec. 2265) je zahtijevao da svaka nadležnost u Sjedinjenim Državama prizna i provodi važeće naloge za zaštitu. Svakom nalogu za zaštitu izdanom od bilo koje druge države, plemena, teritorije ili posjeda Sjedinjenih Država, zajednice Puerto Rico, ili distrikta Kolumbija će biti data puna vjera i povjerenje širom države na svim sudovima, kao i kod svih službenih agencija za provedbu zakona, te svih javnih službenika i bit će na snazi na isti način kao bilo koji nalog za zaštitu izdan od strane suda u toj državi.